

I. N. 3.

EXERCITIUM ACADEMICUM

De

SUPPLICIO

CRUCIS.

Cujos

PARTEM PRIOREM,

Ex consensu Amplissimae Facultatis Phil.
in Acad. Aboënsi,

Sub PRÆSIDIO

ADMODUM REVER. ~~etq;~~ AMPLISSIMI
DOMINI

Mag. DANIELIS
JUSLENII,

Sacr. Ling. Professoris Ordinarii,

Publico examini modeste

Submittit

JOHANNES GEZELIUS, L. F.

Ostro Botheiensis,

In Audit. Maximo, die 26. Martii,

MDCCXXVI.

ABO.E, Excid. Reg. Acad. Typegr.

ERIC FLÖDSTRÖM.

*REVERENDISSIMO in CHRISTO
PATRI ET DOMINO,*

**DN. JOHANNI
GEZELIO,**

*Diœceſeos Borgoënsis EPISCOPO
EMINENTISSIMO ,*

*Ven. Consistorii PRÆSIDI
GRAVISSIMO ,*

*Regii, quod ibidem eſt, Gymnaſii
& Scholarum EPHORO
ACCURATISSIMO ,*

MÆCENATI ET PATRONO,

*Pio obſervantiae Zelo ætatem
ſuſpiciendo.*

REVERENDISSIME IN CHRISTO
PATER,

NE mireris, Reverendissime PATER, quod fœdas quasdam cruces, rudi penicillo delineatas, cum testandæ observantia in TE meæ, tum graciæ alicujus TUÆ captandæ caussa, Tibi offerre su-
sti-

stineam. Munus est exiguum,
confiteor, laudeq; & approba-
tione tua vix dignum, minus
ad gratiam & benevolentiam
demerendam aptum. Atta-
men, cum a patre meo caris-
simo, reverentissime comme-
morari solitum recordor, quam
innumera in eum beneficia, lon-
ge supra ejus meritum, a Pa-
tre Tuo, Episcopo quondam
Aboënsium desideratissimo, jam
in cœlis beatissimo, collata sint;
in eam adducor spem & fidu-
ciam, fore, ut Tu etiam, Re-
verendissime PATER, propagi-
nem, et si vihssimam, stirpis e-
jus, cui incluta familia Tua or-
tam debet, fovere propenso
animo pergas; ideoq; benevo-
lis oculis, serenoq; vultu, quo
Te in clientem vel jam pro-
pendere fidenter augutor, has

stu-

studiorum meorum primitias,
quantumvis tenues, respicias. Id
ipsam vero ut facere digneris,
resq; meas omnes imposterum
Tibi habere velis commendatas,
est, quod, per innatam Tibi hu-
manitatem, humillima mente ro-
go; obsecro Te atq; obtestor.
Quod meum est, pro Tua, Re-
verendissime PATER, nobilissimæq;
Familiæ valetudine diuturna, ac
felicitate perenni, preces ad De-
um fundere calidissimas, nun-
quam intermittam.

REV. NOMINIS TUI

Humillimus Cuiens
Joh, GEZELIUS, L. F.

VIRO

Admodum Rever. atq; Celeberrimo;

DOMINO

Mag. DANIELI JUSLENIO,

Sacr. L. L. PROFESSORI Ordinario,

PASTORI Ecclesie Fennicæ Aboënsis.

Vigilantissimo,

PATRONO ET PROMOTORI

submisse colendo.

Admodum Rever. & Praclariss. VIRO,

DOMINO

Mag. LAURENTIO GEZELIO,
Ecclesia Dñi, qvæ in Wöro colligitur;

PASTORI & PRÆPOSITO

Accuratissimo,

Patenti longe optimo & carissimo, ad ci-
neres usq; summa pietate amando,
venerando.

Admodum Reverendo & Praclarissimo Viro

DOMINO

Mag. FRICO FANTH,

Pastori & Præposito Ecclesiarum

Jacobstad & Vederstœre vigilantissimo,
accuratissimo, avunculi loco, quovis
honore observando.

Amplissimo atq; Consultissimo VIRO,

Dn. JONÆ MOLIN,

Territorii Ostrobothniæ australis Ju-
dici longe Dexterrimo.

PATRONO & BENEFACTORI,

Ob favorem singularem, et statem molendo.

Admodum Rever. & Praeclarissimo VIRO,

DOMINO

Mag. ERICO CAJANO,

Ecclesiaz Cronobyensis Pastori vigi-
lantissimo, vicinique Districtus Præposito
gravissimo, Patrono optimo, quovis
observantiaz cultu prosequendo.

Admodum Reverendo & Clarissimo Viro

DOMINO

Mag. MICHAELI FANTH,

Pastori in Ulyta Helsingorum me-
ritissimo, vigilantissimo, avunculi Is-
co maxime honorando.

*Piurimo Rer. & Clarissimo
VIRO*

Dn. GABRIELI ARRHENIO,
*Ecclesiae, quæ in Närpis Deo colli-
gitur, Pastori fidelissimo, dignissimo,
Avunculi loco jugiter honorando.*

VObis, Patroni, Parens Caril-
sime, & Avunculi, studiorum
has primitias, cum ardentissimis,
pro perpetua incolmitate Vestra,
precibus & votis, ut debui, sacra-
tas esse volui,

VESTR. NOM.

*Cultor observantissimus
&
Filius obedientissimus*
J. G.



I. N. J.

Variis quidem modis, inge-
niosi olim fuerunt genti-
les & tyranni, ad exer-
cendam crudelitatem & saevitiam in
hostibus & maleficiis, suppliciorum
tamen omnium, summe ignomi-
niosum & dolorem faciens fuisse
supplicium crucis, patet ex iis, quæ
de circumstantiis crucifixionis, ab
antiquis notata & commemorata
existant. Quocirca summa cum ve-
neratione misericordiæ Divinæ in
nos, Salvatorem nostrum, optime de
nobis meritum, hanc pœnam susti-
nuisse, eaque excruciatum & mors-
tuum fuisse recordor, cui propter
ea gloriam & laudem æternam

A de-

decernimus. Quamobrem mihi in
mentem venit, nemini molestum fu-
turum, si exercitii gratia, ut sup-
plijci hujus acerbitatem, omne tor-
turæ genus excedentem, ostendam,
circumstantias crucifixionis addu-
cere, & supplicium crucis breviter de-
lineare coner. Ad quod proposi-
tum antequam memet confero, tuum
B L, favorem obnixe peto atque ob-
testor, velis exiguam hanc meam
operam benigniori excipere censu-
ra, et si non singula, quæ, ad ma-
teriæ hujus delineationem, desidera-
rentur, ex antiquitatis adyta eru-
ere potui, paucorum scriptorum
antiquitatis subsidio stipatus.

THES. I.

§. I.

De Etymologia, & Homonymia,
crucis.

Vox crucis unde derivata, & cu-
jus sit originis, non satis liquet.
Quidam volunt τῷ κρέαν ferire, pul-
sa.

/are, originem debere; quia ferien-
 do & pullando affiguntur manus &
 pedes. Alii ad τὸν ἵρπαν prope acce-
 dere pucant; quod etiam crucem
 significare, patet ex Suida (a), di-
 cente: ἐκπίσιος ἴδαιος τὸν Σωτῆρα πρεγόντα ω-
 σσον. h. e. crucis Iudei Servatorem affixe-
 runt. idem hoc circa vocabulum
 crucis annotantibus Ger. Vossio &
 Scapula. Verius tamen hoc, ut a-
 lia, natales debere statim voca-
 bulo alicui Hebræo; & quidem in-
 ter multa affinia, ceu שָׁלֵךְ expulit, דָּרְגָּה
 occidit, חַרְגָּה horruit, חֶרֶשׁ machinatus
 est, surdus fuit, filuit, עֲרָץ violentias u-
 sus est, maxime nobis convenire vi-
 detur χρωτίζειν tribula, vel κράζειν:
 nulla enim tribulatio major, nullum
 acerbius excidium, quam crucifixo-
 rum. Græcis dicitur σαύπος, οὐδέ
 τὴν εἰς ὕψη σάσιν propter stationem sur-
 lum in aëra (b); hinc commode de-
 ducimus svecum stōr palus vel fudes,
 veceri dialecto staur dictum, quæ

(a) Suid. ad hoc voc. (b) Lipsius de cru-
 ce lib. 1. c. 4. ex Eustathio

et habebat, cuius loco nunc & scri-
bimus & pronunciamus. ex latino
crux suum Creuȝ formarunt Germani,
nec non Sueci suum fors/ anti-
que froȝ (c). Fennis est Rissi/ pla-
ne ab aliis linguis abiens, nec faci-
le ortum suum monstrans. Opinio
nostra est: nihil scivisse Fennos de
crucis sive poena sive forma ante
invectum Christianismum; & quia
tum Christiani, in baptismo, cruce
signabantur, ex voce *christiani* no-
men dederunt cruci, initiales *ch* ab-
sorbentes, prout duas consonas, ini-
tio vocum, non tolerant; ideoque
hodienum Rissitth/ dicentes pro eo,
qui *Christianus factus est*, vel per *ba-*
*ptismum Christianismo initiatu*s. Observa-
dum etiam vocem crucis interdum
usurpari in sensu latiori & minus
proprio, pro quibusvis doloribus &
angoribus; præcipue sensu Theo-
logico: quod & in vernaculis no-
stris usitissimum est. Comicis
meretrices quoque *crucis* nominari

re-

(c) Vide Kreft omnde gamalt ed. a
Nob. Peringskiöld.

reperimus (d). Nostris autem instituti nunc est describere crucem in proprio & adstrictiori sensu, quatenus supplicium & interitum in ligno, per affixionem aut alligationem notat.

§. 2.

De Synonymia crucis, & cognatis sup-
pliciorum generibus.

Vocem cruci æquipollentem nullam invenimus, licet cognata sint vocabula, *furca*, *patibulum*, *gabala*, σκόλοψ: quæ singula, sicut & cetera tormentorum genera, a crucibus, in proprio & stricto sensu, acceptis, disjungenda sunt; longe quippe diversissima erant hæc supplicia, sicut ipsa suppliciorum instrumenta. Ostendit quidem Lipsius (e) post gestatam furcam servos deinde ad eandem affixos. Non tamen purandum, quod sub nomine crucis ea

(d) *Ter. Eun. act. 2. sc. 3.*

(e) *Lib. 3. cap. 3. de cruce.*

ea propterea comprehendatur. Furcarum diversæ fuerunt species (f), quas depingere, nostri non est instituti; saltem ex incidente dicendum est, quod duplii usui adhibitæ sunt; interdum ad ignominiam, interdum ad pœnam. Ad ignominiam, cum eas ferebant, ob culpam aliquam ostentui ad risum: ad pœnam, cum verberibus & plagiis, sub illis, læpe usque ad necem cæderentur, & interdum cæsi in crucem agerentur. Quæ crucifixio plerumque hoc modo fiebat; ut furcam suspenderent, serviente illa pro antennæ siue transverso ligno, ad quod affigebantur manus cruciarii (g): hinc non male se habet svecica locutio, hänga på torghäns tråd/ och galga. Patibulum enim apud veteres plerumque unum idemque fuisse supplicii instrumentum ac furca, ostendunt plurimi; quod & interdum bicorne erat, ut litera V. (h).
Pa-

(f) Lips. lib. 3. c. 4. (g) Lips. lib. 3. c. 6.
(h) Vossi Etymologic. de voce patib.

Patibulum autem recentius, quod
loco crucis introduxit fertur Constantinus *M.* (i), hodieque usum
obtinet, ad suspendium & strangula-
tionem adhibetur; quæ pœna lon-
ge alia & mitior est, & habetur,
quam supplicium crucis, quia su-
pensi gula laqueo statim strangitur
& comprimitur. Quamquam nec
inficiandum est, quod centibus
sceleribus, in terrorem nequissimo-
rum hominum exasperata quoque
fuerit suspendii pœna, ut nec omni-
bus communi strangulatione cele-
rius morre perire contigerit. Di-
stinguit patibula & cruces Tacitus
(k). Σκόλοψ ξύλον ὁξύ (l) i. e. acutum
lignum, quo ipso discrimin manife-
stat; licet Lipsius id inter suppicia
crucis recenteat, & crucem simpli-
cem nominet (m): verum tamen, a
suppicio crucis proprie dicit, eum
quoque merito removemus; Licet

non

(i) *Vossius ibid.* (k) *Annal. lib. 14. c. 33.*

(l) *Suidas, vid. Hom. il. M. v. 63.*

(m) *lib. I. cap. 6.*

non defitireamur saepius etiam penes Græcos primitus eosdem fusile cum σκόλοψ, quibus homines tamen diverso modo puniebantur, vel affixione vel infixione, donec ingeniosior, tam in extraendis supplicii instrumentis, quam suppliciis irrogandis, accresceret ritus; atque sic crux affixos; σκόλοψ, quem latine *stipitem* vel *palum* dixeris, infixos exciperet. Ex his longe gravior & sævior fuit pœna crucis, quam σκόλοψ seu *impalationis*: quamquam etiam ad gravissimum dolorem & cruciatum interdum adhibebatur hæc pœna; diverso namque modo fiebat infixio. Interdum capite in terram verso, stipitem acutum ori infigebant, & sic per medium hominis transfigebant, ut per posteriora exiret. Interdum per obsecra infigebant, ut descendenter per intestina & exiret ab ore: his quoque infi- gendi modis, mors propinqua erat. Verum aliis adhuc sævior fuit impala- tionis ritus, cum ludem sive stipitem acutum, veru similem, dorso tenus in-

ter cutem & ossa transigerent; quæ
pœna tardam mortem & vehemen-
tissimum effecit cruciatum. Retine-
ri adhuc in Muscovia supplicium
hoc, ex captivitate reduces referunt;
& creditur omnium tormentorum,
quæ hoc tempore exercentur, gra-
vissimum. Hæc breviter adducta,
quam differat impalatio a suppicio
crucis, monstrant, utpote quæ infi-
xione pali in corpus hominis fiebat,
hæc vero per affixionem membro-
rum ad lignum compactum; Cru-
ces quippe duobus lignis fuerunt
compactæ; quamvis non negandum
sit, quod, ad arbores simplices af-
fixi sint malefici, ubi primum in-
cessit usus suspensionis in crucem,
quam crucifixionem picturæ veter-
rum duplii forma nobis sicutunt:
Una cum ad arborem, quæ duos ex-
pansos habuit ramos, hominem, re-
tortis manibus & ad expansos istos
ramos adstrictis, alligarent, pedesq;
junctum ad inferiorem partem ejus-
dem arboris implicarent: Altera
cum

cum nudum eligerent palum, ad cu-
jus summitatem utrasque manus cla-
vis aut funibus affigebant sive alli-
gabant, pedesque eodem modo ad
interiora ejusdem pali. Atque dein-
ceps ab hac rudi crucifigendi in-
ventione, mox excogitatus est ritus
ingeniosior & accuratior.

THES. II.

§. I.

De forma crucis diversa.

Postquam accuratior innotescere
cœpit structura crucium, tripli-
ci forma eas vulgo fabricatas inve-
nio. Una, cum duo ligna sive pali,
inter se obliquabantur, & erecti fi-
guram constituerent literæ X; quæ
species crucium dicebatur *decussata*:
decussare enim apud Romanos idem
fuit, ac per medium secare. Hæc
enim ligna erant in medio sibi in-
vicem infecta, ut æqualia essent
crura supra inseptionem ac infra.
Qui vero huic cruci affigebantur,
spe-

speciem ostendebant aquila disjunctis pedibus & aliis; qualem in insignibus Romanorum & Muscovitarum conspicimus, nisi haec biceps esset: extendebantur enim brachia cruciarii ad utrasque summitates lignorum, quae erant supra incisionem, & pedes ad eas partes, quae in terra erant defixa: medium vero corporis sustinebatur compage, ubi ambo ligna erant commissa. In cruce hujus formae existimant S. Apostolum Andream martyrium absolvisse, ab eoque denominatore non obrinuit, quod crux S. Andreæ dicatur, quemadmodum etiam ingeniose observasse comperimus in fastis, Scipionibus Runicis insculptis, Virum clarissimum Dominum Fredericum Swab. A.D. 1708.

§. 2.

Altera forma crucium *Commissa* dicta est, quae ex uno conficiebatur palo recto, cui aliud brevius lignum ex transverso, in ipso apice pali insereretur.

ferebatur, ut nulla pars stipitis emineret supra transversum lignum; constituitque figuram literæ T. Hæc forma crucis in antiquis penulis monachorum cernitur: eandemque fermam ex Ruffino, qui signum crucis apud Ægyptios inter notas hieroglyphicas fuisse refert probare conatur Lipsius (n); quamvis incertum sit, quānam & qualis illa fuerit litera. Censebat quoque beatus Doct. Lutherus(o) de signo, quo signari juluit Deus eos, qui dolebant ob maliūtiam & pravitatem ierosolymitanorum. quod fuerit litera T; nempe ob similitudinem crucis: quasi eo significatum esset, eos servatum iri qui sperabant in Christum, pro eorum salute crucifigendum. Nostra etiam Svecana lingua baculos, quibus, ad sublevandum corpus, utuntur claudicantes, frigfor vocamus; quod nomen a cruce descendisse vero.

(n) Hist. eccl. lib. 2. c. 29. lib. I. cap. 9.

(o) ad Hebreos. cap. 9. v. 4. Et ceteri, quos vide in Pfeif: Dub. rex. cent. 4. l. 57.

ro simile est. Præterea apud Lucianum (p) accusatur litera hæc T. quod ejus speciem imitati fuerint tyranni, similique figura crucis fabricariat.

¶. 3.

Tertia species *Immisa* fuit, cum aliud transversum lignum immitteretur vel injungeretur in superiorem partem pali; ita tamen, ut ipse palus sive stipes eret us aliquid emineret supra lignum transversum, eandem constituens figuram, ac ostendit antennæ navis ad summam malæ elevata. Differt hæc crux a *Commissa*, solum eminentia ea pali, quæ supereminet antennam: Hæc extremitates habet quatuor, illa tres tantum. Conficiebantur plerumque crucis hæc complicitæ ex paratis & manibus aptatis lignis. Interdum tamen crucis commissæ & immisæ in arboribus aridis ramisque fultis exstruebantur, cui transversum solum lignum adfigebant.

His

(p) citante Lipsio cap. 8. lib. 1. de cruce.

His etiam crucibus (commissis scilicet & immissis) sedile quoddam , seu lignum in medio pali infixum , quo federet cruciarius , certis in picturis observatum invenio , quod & restatur Irenaeus (q) . Maxime etiam ratione convenit ejusmodi adminiculum adfuisse , ut eo sustineretur crucifigendus , sine quo , non nisi majori cum molestia & negotio ad crucem erectam elevari atque affigi posset ; cum tamen hominem , in statuculo illo ledentem & extensas manus praebentem , facillimo negotio , ad crucem stringerent . Præterea , nisi ejusmodi staticulum admitteres , credendum est , quod claves , per manus transactæ , cum ius iacumberet moles totius corporis , manus funderent , atque sic corpus in terram rueret . Negandum equidem non est , quod aliquando funibus aligati fuerint pedes & manus ; potius tamen & saepius statuculo usus fuisse verosimillimum est ; siquidem sine

(q) adversus heres . l . 2 . c . 25 .

sine dubio, quo facillimo potuerant modo ejusmodi supplicia exsequabantur. Apponunt alii pro staticulo suppedaneum lignum, cui pedibus institisse cruciarium ferent. Verum minus necessarium id videtur; frustra enim adesset suppedaneum lignum posito staticulo, & sine hoc parum ad sustentandum corpus prodelle potuit illud, cum nihilominus primum rueret corpus, cum viribus destituerentur pedes, & genua submitterentur. Non tamen meum est, inficiare ire, quod ejusmodi suppedanea ligna aliquando adhibita fuerint eveni in finem, ut eo ascenderet & quieteret cruciarius, dum perfungerentur crucifixione lictores. Vario namque modo, ingenio sunt abusi, circa perfectionem hujus supplicii.

THES. III.

De magnitudine crucis.

Quanta fuerit amplitudo sive altitudo crucis, incertum est, neque

que de ea re certi quidquam constitutum creditur, siquidem nullam, de magnitudine earum, mentionem reliquit vetustas. Sine dubio minores & faciliores fuerunt, quæ ferabantur a cruciariis ad locum supplicii, altiores vero & solidiores in arboribus aridis compactæ. Vulgo tamen observatum invenio, quod crux quo altior eo infamior. Altissimæ cruces ipsis exstructæ sunt, in quibus exempla statuenda erant ob facinus aliquod grave & insolitum, quorum odium erat flagrantissimum, ut eo magis dedecori & prolixiori aliis essent spectaculo (r). Sic Justinus (s) refert quod Maleas filium Carralonem in altissimam cruem, in conspectu urbis luffigi justserit. Huic sententiæ robur addit suspendium Hamanis (t); & hodie no quoque tempore inter nos vulgaris est ex loquendi consuetudine sententia de eo, qui multorum de-

li&to-

(r) *Kipping. lib. 2. c. 8. de cruce.* (s) *lib. 18. c. 1.* (t) *Eß. 7; v. 9.*

lictorum reus censetur: dignus est qui altissimo suspendatur patibulo. Svet: Han är wärde at hänga i högsta galga. Daniel Heinsius (u) existimat crucem illam, in qua mortuus est Salvator mundi, altiorem fuisse, quam illæ, in quibus pendebant latrones: unde, si ita esset, conjici potest, quod latronum cruces non magnæ fuerint, siquidem crux Christi, quæ eæs altitudine superavit, non major & gravior erat, quam ut ab uno homine, eoque verberibus & plagis defatigato & deficiente, aliquantis per saltem, terri potuerit. Nec certam aliquam speciem arborum crucibus destinatam invenimus, sed ex quacunque idonea & obvia arbore, sine dis crimine, exstructas: non explanatas & industria elaboratas, nisi quantum ipsa res postularer, sed rudes & inconditas, ut ignominiosum hoc supplicium eo magis funestarent.

B

Thes.

(u) in exercit. ap Nonnum p. 515. cit. Kipp.
Ant. Rom. l. 2. c. 9. de cruce.

THES. IV.

De Cruce Christi.

Causa hac occasionem ministrante, non prætereundum duxi, quod hac postrema forma exstructam tuisse crucem Salvatoris credatur: hoc enim schemate comperimus plerumque picturas & imagines, crucifixionem Christi figurantes, oculis nostris obversari. Sunt qui dicant, id non sine mysterio factum: voluisse nempe Salvatorem mundi in ea cruce pati & mori, cuius quatuor fines & cornua, ad quatuor mundi plagas extenderentur; indigitatus, quod similiter meritum passionis ad totius mundi homines effunderetur. Dictum Pausi (x) rogo ut possitis comprehendere cum omnibus sanctis, quid sit latitudo, longitudo, sublimitas & profundum; huc retinet Augustinus, haud scio an satis cautesic enim commentatur (y): forsitan erat

(x) Eph. 3. v. 18. (y) in Explie. P. 103.

eras longitudo a terra surgens, in qua erat corpus fixum: altitudo ab illo innexo ligne sursum quod eminet super antennam: Profundum ubi fixa erat crux. Probabile testimonium de Cruce Christi, peti posse, arbitror, a scheratibus, quibus crucem pingere curavit Constantinus M. cui ipse Deus formam crucis in aëre ostendebat, cum adversus Maximum pugnaturus esset. In columnis ejusdem principis (verba sunt Lipsii (z)) quæ nunc in cognomine urbe, crux ejusmodi + insculpta visetur. Quam formam etiam armis militum inscribi jussit. Hac figura crucem Domino tuisse paratam, plurimis testimoniosis stipatus, asserit Baronius (a), de qua hæc ejus jacent verba: cum eadem a patribus, ut ab Ambrosio alisque describatur, & ab universa ecclesia antiquis imaginibus sculpta vel pi-

cta

(z) Lib. I. Cap. 10.

(a) Annal. Tom. I. de imp. Tiberii p. 94.

*Eta reddatur, de his ambigere, insania
potius quam inscitiae adscribendum esse
putamus. Reliqua quæ ad supplicium
crucis attinent, posteriori parte
D. V. exponenda reliquimus.*

Nunc manum de
tabula.

S. D. G.



להארון איש בינוות ודורו טוב
ליוחנן גצליוס

את תהלה חזרי עונשיין חופש

א

שר אווח החולות דורי
כליה לכת את מוויט לט
חפצתר את טוביין שכליין
ו אתה לאשר רוץ מרויצים
תקצה יהיך שלום תאורה
ו זקב רב מן רצין יהודין

*Prolixiori aviis affectu,
quam calamo, vovet*

ISAACUS PELDAN.

Domino,

Dn. JOHANNI GEZELIO,
Elegantissimæ, de Crucis Supplicio
Dissertationis, Auctori Dex-
terrimo,

*D*um tua Charia Crucem pingit di-
versaque labores,
*Q*uos tulit hand uno, non proba
Turba, modo:
*I*llius indignos cernis clavesque trabem-
que,
*Q*ui ferre hac nullo debuit, ecce!
modo.

ERICUS CAJANUS, et. fil.
O-Bothniensis.

Frater Carissime,

JOHANNES GEZELI.

Cum cognovi, Te in eo occupatum
esse, ut in publicam ederes lucem,
elegantem Tuam de Suppicio Cru-
cis Dissertationē, nec debui, nec potui,
quin gratulandi occasionē, quæ se fer-
t admodum opportuna, avidissimus
arriperem, simulque animi mei hac
super re gaudium declararem. Ig-
tur, & Tibi, Frater svavissime, & mi-
hi ex animo gratulor. Tibi quidem
hanc collatam in literis operam pro-
fus laudabilem, vitæ juxta morum-
que integritatem atque modestiam,
impense gratulor. Mihi vero Fra-
trem gratulor, luculentō hocce exem-
plō, ad literarum me studia, gna-
viter seftanda, excitantem, eoque
dulcissimum gaudium omnibus, vel
cognitione, vel familiaritate nobis-
cum junctis, inprunis quidem paren-
tibus conferentem ; ut sumtuum,
quos hi semper pro facultatibus fa-
ciles Tibi suppeditarunt, nequaquam
eos pœnitere possit. Ego Summum

in cœlis Numen nunquam non tota mente orabo, velit in posterum,
honestis Tuis conatibus Divina tua
gratia tam propitius adesse, quam
huc usque clementissime adiuit;
quo, in Ecclesiæ emolumentum,
maturitatem consequaris studiorum;
parentum dulcissimorum vota im-
pleas; fructusque ipsem laborum
reportes olim quam uberrimos.
Vale! & redamare non define

Tui Amantissimum

LAUR. GEZELIUM.